



Saheli

TIJÉ DE BE LABAN

Morikeminkodijebewuli,
até fo a yere ko.

Tasuma dadonna jugu,
don dō, i na fili k'i ntɔrɔn fila
don tasumanak'o ye dogobolo
ye.

Mogg min, cew ben yoro
la, e ka tɔn mapekun soro, n'i
y'a ke mog kononasuli ye
walasa dō ka fangakana foori
kojuman, cew mana pɔgɔn
sɔrotingun, un'i dasi, k'adato
i la.


Halibi nin ye Mali
kunkanko kuma de ye. Dow
hawujalen be fangako la bi. U
sago ye balawu ka wuli,
namogow tɔgo ka tijé walasa
olu ka se ka gere.


Saheli te pariti ko. Anw
be Mali de ko. Kabini Ala ye
dipe da, tijé de belaban. Jahadi
min be senna, tɔn kelen minnu
sera ka tijé fo, o kera silame
jekulubaye n'o ye AMUPI ye
ani keretijé jekulu diine
moggow. Alaka tijefolaw caya
ni balawu dadonbaaw ye.
Balawu dadonnaw sidonna sa.
Fo kataa dijé ban, kodonna si
te se k'u deme ka fanga soro.

Morilaka.

IBURAHIMA BUBAKARI KEYITA

Mali minisiri nemogo kura.
Tijé de be laban Jamana te jo
tijeni kan.





Jamana Politikiko ferekera

Dabalibanko-kuma dō bē fo an ka jamana kōnō bi. O ye ko jamanaden caman de b'i kanto ko kudeta te se ka ke Mali kōnō bilen. Hali mōgō minnu b'u yere jate hakilitigibaw ye, olu be nin kuma in fo. Ub'a fōk'ujigida faso sariyasunba kōnōna kuma dō de kan min b'a jira kerengerennenya la ko kudeta kōnnendon Mali kōnō. Jamana jumen bē yen ni kudeta kōnnen te yōrō min na.

Hali n'a soro a ma pereperelatige sariya fe, jamana o jamana kōnō n'a ma ne a kebaaw bolo, u be mine ka nangi. Peresidan Modibo Kayita be

mine san 1968 n'ko y'a soro sariyasunba be jamana kōnō. Musa Tarawele fana minena ka sariyasunba soro Mali la. O m'u bali ka mine.

Birisapaami de be na ni kudeta ye. Ni jamana politikikow ferekera, sorodasiw be wuli ka fanga ta. Mun b'o bali ka ke. Beejfanga sariya matarafali de be se ka kudeta keli bali. Paritipolikiw mana caya cogo o cogo, a kelen kelenna bee be jamana ka here de nōfe. Nka o baara te je abada fo u ka son jōgon ta ma ka ko to jōgon ta la. Jamana dun be yōrō min bi an caman ni beejfanga matarafali ka

jan. A be i n'a fo paritijemogōw hakilinata ye fanga nōfetoko doron ye. An bēe kelen-kelen niyōrō be nin ko in na. N'an ma wuli k'an jo ka nin birisapaami in kele, minnu ni tora san 1991 kele la, olu ka saya bena ke fu ye. N'o kera, dondo bena se, jalaki be bin maliden beelajelen kan.

Dō kera segen na ten sa. Waati sera, an ka kalokalokanw dabila k'an nesin baara ma min be se ka ke sababu ye ka jamana bō nōgo la.

Job Tera

welekan ka nesin fasoden jumanw ma

kabini san 1968, nowanburukalo tile 19, fasoden juman dōw y'u laben tōn jekuluw ni pariti suguya caman kōnō ka dusu don Malidenw kōnō ka kele kuntaalajan dadon musafanga kama. San 23 kōnō, komite militeri ni UDPM tile kōnōna, yerekunmabōfen barika bonyana malidenw kan. Jolibōn te jolibōn ye ! neji te neji ye ! Tulo ma deli ka tōro minnu men ; jamanadenw ye nin bee kun. Tonbolofaraw camansigira senkan. Hali k'a soro o ton ninnu taabolow n'u hakilinataw tun te kelen ye, waati do sera, usonna ka je k'u bolo di jōgon ma ka Musa ka jagoyafanga in kele. Dije yere taabolo b'ajira ko fasoden jumanw mana wuli waati o waati ka fara jōgon kan ka kele o kele dadon jagoyafanga kama, u be se soro a kan. O dije taabolo


kelen in de fana b'a jira ko fasoden jumanw mana fara-fara ka bojōgon na waati o waati, o be na ni jagoyafanga sinsinni ye min n'a te se ka lakale. O misali ye mun ye Mali kōnō yan ? San 1991, marisi kalo tile 26, fasoden jumanw : siwili fara sorodasi kan, olu bee de farala jōgon kan ka musafanga bin.

An be don min na bi, bee ka kōlosili ser'a ma ko kele piriparaw ni fandenya-kele be ka don malidenw ni jōgon ce k'a sababu ke politimogōw ka jukorobaara ye kajesinuyerew kelenpe ka nafa ma. Nin ko kelen be kōnōna fili ye fasoden jumanw bee ma. O waati kelen na, netaa man di minnu ye olu be k'u kun kōrōta, ka faja ka taa a fe. U be ka denmisew ta-ta yōrōla k'ulabo ka bila nbedaw kan. O denmisew

kōnōnasulen don politikimogōw fe, minnu kōrōtolen be fanga tali kōrō.

Nin wale ninnubēye kasaraw ye ka nesin mariskalo tile 26 ma, o min y'an ka erewolison (n'o ye yelema ye minsinsinnen be jetaa kan) taamasyijen ye. Mali fasoden jumanw be wele bila beejfanga lafasabaaw ma, ukera pariti o pariti tōnden ye, hali minnu te pariti la, walasa ka fusiri nin walejugu ninnu na. Wele in kundeyē bēe ka wuli ka fara jōgon kan ka sira banamini tipeni lafasabaaw ne. Mōgō o mōgō, n'e de ba fe ka nin welekan in ke i sēbenanko ye k'a taama, i ka wuli k'i bolono bila sēben na. Kōnōw jelen de be bii fo. N'an jera, an be se soro.

Tōgōsébenni bolonoda be ke Arajo FR3 la Bolibana sugukura la.
BP 1929 Tél : 23.02.22 Bamako.



NEGEN NAFA

Mogo min ko n be taga banakotaa la, ani min ko n be taa kabine la; u bee kan be fen kelen ma. Sigiyyorow de y'a focogo bo pogon na. Focogo in fana be soro wale in keyoro fe.

An ka togodaw la an'an ka dugumisenninw kono, negeente senmogow b'u sutara k'u lafiya yoro min na. Banakotaa manam min mine, o be kenemala magen. A be taa i-kun dogo tuw koro k'i lafiya. O wale in, san yirika de laada don an ka dugumisenninw na. Nka n'a fo'ra ko kokoro bee te bilata ye, o ye nafamaw ko ye. Baasi be minnu keli la an ka yelema don o la. O be i n'a fo n ye nege-sen-baliya min fo.

Tine don ni dugu dogoyara, i mana degun waati o waati i be se ka kenemala soro k'a soro tijenni ma ke. O bee n'a ta nege senni ka jin, sabu la nafaba de b'a la.

Kenema banakotaa be ke sababuye ka kasara caman se mogo ma k'a soro i ma sigi ni min ye. Dimogo ani nkobo minnu be munumunu banakotaa ani hadamadenw ka sokononaw ni pogon ce olu ye bana lasebaga jenjondow ye. U be se ka ke sababu ye ka maa kelen ka bana ta k'a jensen ka dugu bee labo. Bana minnu ka teli ka soro banakotaa fe a juguman do ye togotogonin ani kunfilanantu ye. O ye misali ye min b'a sementiya ko nogo ye bana ye. Ni nege ma sen du kono, bee be t'i laafiya dugu lamini tuw koro. Baasi folomin b'o la oye fan bee nogoli ye ka dugu koori. O bee kofe wula mana se kasa gelen be fine tine dugu kono. A ko juguma yoro do be denmisenninw kun kan. Denmisew be banakotaa ke namantonw kan duw masurunya na. Mogo te jigin u la munna? U ka doko; u te se ka yoro jan soro; wa maloya t'u la maa were k'u ye, i n'a fo o ye degunba ye balikuw ma cogo min. Ni mogo min y'a jate mine; denmisew tulonke-yoro ka surun sununkun ninnu na, i b'a don baasi belebele don.

Fura kelen min be ni bee la, oye ka

LAMINI

negenw sen duw bee kono. nege yere sun ye mun ye? Dingen don. Hali n'a kono bonya be taa kolon ta la fo ka teme o kan, a dunya man kan ka kolon ta bo. Metere fila ni tila walima metere saba hake ka pi. A sanfela be bili kopuman min b'a too be se ka san caman ke ka sora ma yigiyogo sankoka cun. Fulowo be bila bili ince ma. A be se ka datugu, nka fine boyoro ka k'a la o pogon te.

Ninkoninu keli nafa be se ka soro fan caman fe: dugu lamini saniyali, fine duma sorli waati mugan ni tan, ani yere tanga bana dow ma. Nka fo bee hakili ka to fen damadow la.

A fo'o, ka du kolon n'a nege ce janya. A

kekopuman sariya bato. I b'a soro yoro dow la kogo doron be dow ka kolon n'u kerefedu nege ce. O te ko keta ye. Nege dilanto a konona ka kan ka joni simanbiriki falen (wotan) ye min b'a toji min be seense ka bo kogo in fe o be dogoya kosebe. Mogo camant'u janto yoro were la, o ye furance minka kanka ke nege ni kolon ce dukono. Saniya nemogoso mogow ka jate la, kolon be sen du kono yoro min koratalen don. Nege be laben yoro min be duguma dugukolo jengen cogo fe. Nege min be senmogo tan walima mogo mugan hake ye o dunya be taa metere kelen ni tila la (1,5m) à josurun fana y'o ye (1,5m) à jojan ye metere naani ani santimetre bikonton (4,9m). A be bili kopuman. Kasatigelan jiman ka kan ka k'a la waati ni waati.

Kolosili la, geleya werew be dugubakono negeko la minnu t'a jocogojuman sariya batobaliya ye. Nege mana fa mun be ke? A se be minnu ye, olu be nege labomobili sara, u ka nege labo kama. Nka se te mogominnye olu b'uka nege datugu. Geleya be nin ko filia bee la. Folio, nege labomobili te taa yorojan na dugukakan tuma bee. U be taa o bon yoro la kasoro a bonni yamaruyalen te yen. Ni nemogow ma fu siri o ko danna, a te ben; sabu hadamadenw ka kenya n'u ka laafiya b'a dafe. N'o bora yen, dow b'u ka nege kono bo k'a ton so kerefe, mogow temesira kan. O ko fana te ben sigiyoro lakanakopuman kadara kono.

Nege nafa koni ka bon kosebe. Nka hali duguba konona minn'a waralendonye, maa caman b'a ke sanko n ka sutarayoro soro

filanan, ka hakili to nege in na. N'a be jini ka fa, a be datugu ka kura were laben kerefe. Korolen datugulen mana san fila soro, o konofen ye nogo juman yesenefenw koro.



N'an ye dugubakona ta, nege donne don, yen. A senni waajibiyalen be bee ma, yoro bonya ani jama caya koson. Duguba kono nege be sen nka bee t'a

denbaya ye. An balima minnu be dugumisenninw na olu dow b'a jatemine ko tubabuya don. Nin hakilina fila ye fili belebele ye. Nege be dilan laafiya kama, wa nafa min b'a la o ye ka lamini tanga, ka fine ni ji numan to an bolo. Kumalasurunya na k'an ni kisi. O nafa dun te soro nege jokojuman an'a ladonkopuman k'o.

Hamidu Berete.



CIKELA KUNKANKO



Ko sefawari binni bε mun nafa ladon cikelaw kun?



dōrōme 9 bε fara o kan.


Anw ka jatamine na, cikelaw ka nafa foyi te nin na, sabu sene musakaw bε bε bε jamana kōkan, wa u bε soro da gelen na fana. K'a ta angerew ni fenjenenamafagalaw na, ani binjugufagalaw fo ka t'a bila senekelaw ye kosebe, nin bε songo sigiyorōmano. Misali : ni angere min tun ye 1.000 ye fōlo, o kera 2.000 ye sisān; masin min tun bε soro 10.000 salon, pinan o kera 20.000 ye.

Ni y'a men i b'i ka fen feere songoba la, o ka soro a baarakeminew b'i bolo fōlo. Fen o fen bε se ka cikelaw nafa warijaasi in na, o ye goferenaman ka feere pini sene musakaw songona, in'a fo u ye jurabaw ka takisiw caman bin cogomin na.

Ni dō tun sera ka bε senekeminē dōw songo na, ani mobilipasew walasa senekelaw bε se ka t'u ka fenw feere nōgoya la suguw la. Nka ko kelen bε yen min bε se ka na ni nōgoya ye. O ye an ka misinōgōw donni ye forow la. Nōgō bε bε an fε yan min bε wele Tilemusi fōsifati. Ni cikelaw y'o ke u tala ye o bε dō bε u ka musakaw la.

An ka jamana nemogow y'a jira k'a fo warijaasi, ni dōw ko nansarakan na "dewaluyason", k'o nafa bε an ka cikelaw kan k'a sababu ke dō farali ye uka senefenw songo kan. A fōra ko koori senebagaw bēna yamaruya k'a feere da gelen na ; ko dōrōme mugan o mugan, ko dōrōme seegin bε fara o kan. Misali : ni mōgō min ka koori tōni kelen sanna 1.000 salon, pinan a bε san 14.000. A jirala k'a fo fana ko malo ni alikama songo na, mugan o mugan

Nciba jamanakōnō mogow, k'a ta Falaje Daban, Ntekedo, Bassabugu, Mamari bugu, Npiyebugu, Sirakoro, Bomondo n'a lamini, ka taa bila fo Beledugu jamana kōnō, n'aw mago jōra Saheli la, aw b'a soro Falaje ni Syenu, Benuwa Tarawele bolo. A' ye Saheli kε aw kanu nōgon ye k'a jensen aw ka sigidaw la. A y'aw jijaka kannufoniw lase an ma.



Benuwa Tarawele

Alu Danbele



Musokonoma ladamuni

An fè yan, ni muso ye garisège soro, tooro suguya bee don. Tooro ninnu te doweré ye an ka musokonoma mine cogo ko. Mogo caman be yen, olu be pine ko konoma ye ni kelen jolen yeni ni fila, walimani damado ye. O la musokonoma ka ladamunicogo damadobeyen minnu

boloci ke ni dow ko tetanosi.

- Ladilikan nafama :

Musokonoma man kan ka foyi don a musoya la dogotoro ma min fo a ye.


A be se ka je a ce fe fo ka taa konobara se kalo 8 ma. Muso minnu sijie folo don, olu ka to ka situlu mun

walasa k'a laben kopuman ka bila minni ne. Musokonoma man kan ka baara kologirin ke, a man kan ka balawu ke, bawo dimi man pi a ma. Akakan k'ilafiyakosebe, ka sunog eri 8 jøgon. A ka kan k'i jija a ka jiginni fenw bee dafalen ka soro a bolokoro a jigin waati.

Konobara ye bana ye degun be min na kosebe, nkà bana nafama don, o de la mogo kan'a mana mana mine.

u sim na, k'a nunkun sama-sama,

Alu Danbele



- Dumuni Muso konoma ka dumuni kelen be tila ani a konona den ce. O la a ka kan ka dumuni minnu dun keren-kerenenya la, ni nafa b'u la o ye sogo, jege ani nakonofenw i n'a fo Salati ni karoti, ani jiriden kenew.

Musokonoma man kan ka tulumafenw ni sukaromafenw dun, bawo olu be mogo bonya joona ; a man kan ka dute min ani minfen kumunenw.

- Saniya na siraw : komi keneya yere de ye saniya ye. O la, muso konoma ka kan ka saniya tuma bee. A farikolo n'a dakonona ka kan ka je sanga ni waati, a soninkorlaw, ni a farilafiniw ni nogó man kan.

- Dogotoroso : kabi muso be sonmi a yere fe, o kalo saba kono, a dagalen be, a ka taa dogotoroso la, dogotoro k'a laje. Kono kalo 6 nan, akakan ka taa dogotoroso la, ni kono ye kalo 8 soro, a be taa dogotoroso la, walasa dogotoro k'a laje tugun.

Konobara kalo 6 nan ani a kolo 9 nan muso ka kan ka negetigeda,



KUNNAFONIW KAFOYORO



Kasara dō wulila Mali ni Sénegali dance la.

- Karidon marisikalo tile 6 fajirida fe, mugu ni kise cira Mali ni Sénegali dance la. An ka kafo minisiriso y'a jira k'a fo ko fulabaganson ce 17 de wulila kataa bin Sanba Daramani bugufiyé kan. Maa 4 de ni tora ni walejugu in na n'olu ye Fegi maa fila ni jagojela dō ani Sanba Daramani bugufiyé maa kelen ye. Bugufiyé in maa minnu n'olu de sigilen be dugu lakanali kama, olu m'u to to nin ko in na. Ka da u ka cefarinya yere kan bari nin t'a sinefolo ye. U delila ka fulabaganso dō mine, minnu tun kelen be ka misi 300 pogon sopan Fegi dugu kono. Nka nin sen in na, lakanlibaaw ye binkannikela ninnu gen ka se fo Jagi n'o ye Sénegali bugufiyé dō ye. U selen yensa, u fana ye mugu ni kise wuli. Jagi ma 3 ni tora, 2 banana. Okelen, Sénegali sandaramaw ye Sanba Daramani mögö ninnu mine. Kayi gofereneri, Sénegali kafo min ni mali be danbo an'o fana goferineri olu ye pogon soro kidira, pogon kumbe min y'a to ni sanba Daramani mögö bilala. Minisiri minnu be Jamana fila in kafoko ni marako kunna, olu tun ka kan ka pogon ye Kidira, walasa fokaben be ke, ka fura soro danceko geleya ninnu na Mali ni Sénegali ce.

Minisiri ninnu delila ka pogon soro Bakeli. Zanwuyekalo temennen.

Job Tera.

Farafinfura ni Sida

Feburuyekalotile 7, san 1994, lajeba dō kera sidabana kan Bamako. Farafinna jamana damado farafinfurakelaw tun ye pogon soro laje in na. Laje in tun be boli sida kumbenni n'a keleli kan ni farafinfuraw ye. Tonsigila ninnu y'a jira k'a fo ko farafinfurakelaw ni nansarafurakelaw ka kan k'u bolo di pogon ma, k'u fanga ke kelen ye sidako in na.

Fana Nsonko y'a dugumögow n'a zandaramuw bila pogonna.

Taratadon, Feburuyekalotil 1, san 1994, Fanakaw n'uka zandaramaw fora pogon ko, k'a sababu ke nsonw ye. Odon Fana dugumögow bee wulila k'u jo a ko la. K'a damine dugutigi n'a ka korosigila, ka taa a bila politikimögow ni duguden tow la. Kubedaba komandankoroba, n'o ye Tijani Sidibe ye, ani a Zuzi fila bee wulila ka bo u sigiyor la Doyila, ka na Fana mankan in na.

Balawu in sora Fana keyitalakaw ka moto sonyali de senfe. Motonson ninnu tun ye mögo saba ye : Arasa, Bokari ani Kuruto. Nson ninnu minena ka d'a kan u jepogon npogotinin dō tar'u kofo.

Uminen, uy'ukanto k'uni sandarama do be je la, n'o ye Abudulayi ye, bawo u ka fola, u ka fen sonyalenw bee be feere o dögöke fe yen bamako. Sandaramake in ka baara yelemalen don Bale mara la.

CEKÖBUGU :

Cekörbaw ni denmisew fora pogon ko, k'a Sababu ke kampemanko ye. Mögökörbaw y'a jini ka kampeman datugu, k'a sababu ke ko yen ye dolominyoro ani jeneyakeyoro. Denmisew y'a jira ko kampeman be duguba bee la ; k'a be dō fara dugu

dawula kan ; ko dunanw jiginyoro n'u lafiyayoro don ; ko sango u ka dugu be gitöronda la.

A fo ni Konobugu denmisew y'u tege di pogonma, utena seka cekörbaw ka geleya fölen bee kèle, kasoro n'a ma ke n'u ka jenajekeyoro datuguli ye. Yoro dowla koni, dugu denmisew kelen be ka birigadiw sigi sen kan, n'olu ye yorokölösitonw ye.

WULUW YE DENJERENIN DUN

Ntenen don Feburuyekalo tile 21 denjerenin dō su yera joliba ntolatankene kerefe Torokörbugu. Denjerenin in ceya n'a musoya ma don. Den in wololen be soro sufé ka soro k'a fili o yoroin bee la. Wuluw bora den in kan k'a fan bee jumi, fo n'a kera a kunkolo n'a kankala yoro do ye. Arondiseman naaninan polisiw ladonniyalen, olu nan'a laje. Kin kono, siga kelen be baaraden musomaninw de la. A mana ke cogo o cogo, wale in ce ka jugu cogo min na, fo dabali jenamaw ka tige, ka fu Siri nin wale kuntan ninnu na.

Cekörba ye waliden sonya

Zanwuyekalo tile 30, denmisenninw balontantönbeda kan, fitiri masurunya la, ani musow böö bada la, olu ye cekörba dō ye, boro belebele b'a kola. Boro in kono denmisennin kasikanbe. Okelen, denmisew ni muso ninnu kulela ko a' ye nson ben...

Cekörba ye boro fili ka boli. Mögöw ye boro dayele k'a soro denmisennin dō, min si ye san 4 ye, o lankolon sen n'a bolo sirilen don boro in kono. U soro ka taa n'a ye nkoloninna dugutigi fe yen.

Cekörba koni ma ye.



Afiriki "du Sud" : Politiki kele wolola su tan ni naani na.

Politiki kele gannen don bi fo k'a dan temen Afiriki disidi jamana kono (farafinna woroduguyanfan). Kakoro, Nansara sginfew ni farafin dugukolotigw de tun be jogon faga la, su ni tile.

Nka sisan, farafinwyeredama be politiki kele la, min ka jugu haali. Sibiri don, feburuyekalo tile 19, Inkata ce fila ye marifakise yugu-yugu A.N.C funankenin tan ni naani dalen kan, k'u to sunogo la, bawo k'u be ka mogow wele ka wote A.N.C ye, n'o ye Nelson Mandela ka pariti ye. O wote be ke awirilikalo nata.

Gana : Dimogowo kera samadinge ye

Feburuyekalo tile 1, kele d'owulila Gana dugunin do la, dugu in sigilen don Gana ni Togo dance la. Kele in daminenen, dow tun ma sanga d'a la, nka minnuy'a bila ukunkolola konse te basakele la a kuntigeko juman don, olu caman y'u ka minenw ce k'u kunda Togo jamana kan. dow ka fola, kele in daminenwa sugu de la ; a kera siya fila mogow ni jogon ce.

Tijena an be don min na bi, kele in ye dan temen. A be fo cogo min na, mogo min ni tor'a la, o be mogo 1000 jogon bo, wa dugu min jenina, o ka ca.

Gana nemogow wulilen don k'u jo, walasa ka fitine in duga.

Ala k'an son hakili juman na !

Kameruni : Jurumanitigiw ye peresidan ka pankurun jo

San 1994 Feburuyekalo tile 6,

KUNNAFONIW KAFOYORD

nansara jamana min togo ye "Suisse", o mogo dow ye kameruni peresidan ka awiyon mine k'a te wuli. U ka fo la, mogo ninnu ka juru be an ka Farafinna faamaba in na. Wari in kasabi ye sefawari miliyon seegin (8.000.000) ye. Suwisi goferenaman y'u deli u ka bolifen in bila.
Aa ! nin geleyara. K'a fo jamana danbe t'a nemogow ye jamana kokan ?

Dancekokelé

Kabini tuma jan, dancekokelé be kameruni jamana ni Nizeriya jamana ni jogonce. Waatinin kera, mankan tun madara, nka a kasan in na mankan in tilala ka wuli, fo jamana fila inye jogon wele dije sariyasoba la walasa ben be se ka ke.

Nka halibi kele in ma ban, bawo feburuyekalo tile 22, Kameruni sorodasi dow ye Nizeriya dugunin do jeni, ka walifenw ta. Nin kelen koni kera binnkanni ye, hali musow, u tun b'u penata olu la.

Nin to kera damatemenwale ye sa de ! Sisan an ye mun kolosi ? Faransi sorodasiw nana gun i kan k'u bena nin kele ban, k'a soro olu de be an su ka ke jogon kan. Wa kise te Jaba la koyi.

SEGU:

Sokala kono, kamalennin do, min tun sigilen be Bamako, a k'a bena a fasolamusso do furu. Furusiri dogodalen ka ban, fo balimaw ye nali daminne, kamalen in maminemuso woloba ye a denmuso ka labilalifew bee lasegin a buranke terike ma k'u manji.

Musokoroba delila, a ma son. Kamalen bolen o kalama, o fana jenn'a a maminemuso ko. A buramusso kelen ka ko don sebe ye waati minna, a y'a sen don k'a bolo donnk'oy'a soro a ko taara ka danke.

DUGU KELEN, ARAJOSO TAN

Kenyereye Arajosow jo nelen be Bamako bi haali :

Bamakan : Kenyereye Arajosou foli min sigira sen kan Bamako, o don. A be Madinekura sugu la. Bamakan donnen be ni sebe ni baara juman ye.

Arajo liberite : Alefana be Madinekura sugula : keran kerennenyal, ale jesinnenbe jagokelaw ni Magobatigw ma walasa u be lakodon.

Kayira Arajoso : ale be Jelibugu la. A be foli dumanw ke ka kunnafoniw di. Nka kasan in na goferenaman tun y'a datugu, k'o sabu ke, a ka kuma do ye, min tun be se ka na ni tijeni ye jamana kono.

Arajo kiledu : Ale be badala. Nansara foli be ke yen ka caya. U ni Ameriki Arajo bolo be jogon bolo. U be faso folikanw fana matarafa.

Arajoso ferekansi Sabanan : Ale be Hamudalayi kaburudo kerefe, sugula. Jagokelaw ka Arajoso jolen don. A sigikunye ka feereni sanni yiriwa sugu kono.

Tabale Arajoso : Ale be bamako kura kin na. Denmisew ka Arajoso don tulon ni yere, ani nisondiyakan bee ferekelen be jogon na yen.


Silamenw ka Arajoso : Ale be Bamako Misiriba Sanfela la. kurane kalan, wajuli ni Arabu donkiliw be lase silamew ma don o don.

Kenyereye Arajosow bolen ko yen, belebele werew be yen : Afrika nimoro foli, Faransi Arajoso, ani ArajoMali bolofara.

2° Filan

Waati bee, suni tile, kunnafoniw ni foli dumanw be suuru bamakokaw kun. A barika Ala ye. A se be ale de ye, don do, jamana fan bee ka labo arajoso la.

J. A Kulubali. Alu Danbele
Mahamadu Konta. Job Tera



Sun Sariyaw

Sun sindira silameya kono, Hijira san filanan. Sunkalo mana se, sun donni be damine k'a ta Salatu weleli la, ka tag'a bila fitiri weleli la. O waati kono, sunbagato man kan ka dumuni ke, ka ji min ; a man kan ka sigereti, tabadaga ani siramugu min, a man kan ka woro jimi ; a man kan ka musokafo ke. A man kan ka pikiri ke. Sunbagato mana nin fenw kelen o kelen ke, o don sun tijena.

Sun wajibiyalen don mog'o minnu kan o file : Silame, baliku, hakiliman, ce ni muso, j'on ni horon. Sun wajibiyalen te mog'o minw kan o

file : taamaden min ka wayasi be kilometere 48 bo, o be se ka sun bila o don, n'a ka da ye. Nka sunjurusara b'a ma kofe. Banabagato min te se ka sun san waati gelenw na, i n'a fo tilema, ni kawule, o be se k'a ka sun ke samiye fe walima nene tuma, ni sunkalo benna waati gelen ninnu ma. Bana mana cun mog'o min kan sunkalo la, min b'a bali ka sun, o be se k'i segennab, fo a ka keneya.

Musokonoma, sun t'o ma wajibi ye ; nka n'a te degun sor'a la, a be se ka sun. N'a ma se ka sun, kofe, sunjurusara b'a ma.

Denbe muso min sinna, sun ma wajibya o ma, n'o y'a sor'a be ke tooro ye den ma. Kofe, sunjuru sara be a ma. Sun bidden don ka bo mog'o minnu kan o file

Mogokoroba, kongo te kun min na, o man kan ka sun. Banabagato min ka bana b'ala kudayi kudayi, o man kan ka sun. Nin mog'o fila be sumanmure kelen bo tile o tile, fo ka sunkalo ban.

Sun ma wajibya mog'o minnu kan, k'a sababu ke daliluya gelenye, sunjurusara be olu ma kofe.

Suguri dunni de ka fisa sunkela ma, ka temen sunjalan don kan. Suguri be dun ka kon salatu weleli ne.

Nafilaseli ka ji sunkalola, nk'a kebaliya te jurumulase mog'o ma, hali n'a be sun baraji nagasi.

Jagatalifitiri, n'a boli se be silame min ye, i b'a bo ; n'o ma ke, i ka sun baraji dulonnen be to san ni dugu ce.

Karamogo Iburahima kone ani Mahamadu konta

Didenkulu firila feere noncontan kan

Mali kalanko yobo yabali dogolen te mogosi la bi ; bari nin y'a san damado ye, kalan te ka sen sor'a, lakolidenw ka boliba y'a sababu ye.

Tijena, ko be yoro minna bi, a geleyara. An da tena se nin bee ma, bawo fen caman be yen, Jamanadenw be minnu kalama. Nka kasaninna, lakolidenw ye tijeniba do ke, min kera sababu ye ka kasara lase mogow ma Malidenw yere tun masigi ni min ye. Feburuyekalo tile 15, lakolidenw ka dujenifanga jiginnia Bamako dugu kono ka jamana nemog'o do w ka du jeni bog'o-bog'o. O du cilen ninnu na, an jedogon Dawuda Tekete, ni arajo mali baarakela don, o ta b'a la. Ee, Dawuda ye mun ke? Dow ka fola ko fendo temenna ani lakolidenw ce, nka min don, o ma se ka pereperelatige. Zurunalisi koni don, minnu be kunnafoniw di mogow ma arajo, ni

telewison, ni kunnafonisebenw kono. K'a fo mog'o na se ka kuma bilen i ka baara hukumu kono Mali la ? Tekete muso dun ye mun ke ?


Ka dokotoroya kalan ke san seegin jogon, Irisi jamana kan, majumako la neneba in na, ka segin Faso kono, i ma baara sor'a, ka makariko ke ka dokotorosonin dayele k'i b'i dahiriime

jini, ka n'o ci don kelen n'a da kelen. Ee ! n badenw, mali ye silame jamana ye nin ma de. Maa be Ala ye n'i m'i jan koyi !

Nin wale min kelen file nin ye Dawuda Tekete la, mali zurunalisiw n'o ye kunnafonilaselawye, olubee y'ukanbo k'a jira ko wale in ma ben cogosi la.

Min ye Dawuda muso ye, mali dokotorow y'u Aaniya ke kelen ye ka wale in lagosi kosebe. Saheli sebennijekulufana y'a Aaniya fara nin mog'o ninnu ta kan ka wale in kon.





Diine ni hadamadenya

An ka jamana diineko bilama kera fen ye, mogow kelen be ka min mine ni barika ye.
O hukumu kono sa, Saheli sera an karamogo Mohamed Ali Cam ma a ka do f'an ye silameya kan.

Hadamaden, i mana ke mogo suguya o suguya ye, fo i k'a bila i kunkolo la ko fen dōbe i sanfe, i ka kan ka min bato k'a bonya ; bawo o fen de ye here tigi ye, o de ye bōne tigi ye. Fen o fen n'a be na jōnnin ma ale fen kelen de b'o bee latige.

Obatoli in de nana poyi ni diineko ye.

Diine yere ye suguya fila ye :

- Diine min, ni hadamadenw y'a dilan u yere ye k'a sabu ke siranyefensiranyefen, ani kabako-kabako dōw ye, minnu ye hadamaden bila kunfan na. O kunfanfen ninnu de tara hadamaden fe k'olu ke batolifén ye diine siratige fe. O diine ninnu na buda ka diine b'o la, n'a be wele ko budi simu. O ye diine ye min be soro Endujamana kan, ka fara diine were kan, n'o ye barihaniye ye.

- Cidenw nana ni diine minnu ye. O ciden ninnu de cira alahutala fe hadamadenw ma. O diine ninnu na silame diine b'o la, ani diine werew. Munna Ala ye cidenw ci ? Hadamadenw ka tijeni barika tun bonyana dugukolo kokan. Cidenw ka baara tun ye hadamadenw ladili ye, k'u bila sira juman kan, ka kangari da mogow ye. Ciden kelen-kelenna bee n'a ka baara tun don ; kira dōw tun be se ka san caman ke nefoli ni kangarida la.

Ala ye kira minnu ci u ka ca : Iburahimu b'o la (ale de ye Alikaa ja), Nuhun ye kira dō ye, Luti ye dō ye, seyidina Musa, seyidina Yusufu, Suleyimani, ka fara kira werew kan, ninnu kelen-kelenna bee n'a ka cikan tun don.

Nin kira minnu fo len file nin ye, olubee la dōgonin tun ye Isa ye. Nka kira yere bee lajelen dōgonin ye Mahamadu ye, ale de ye kiralaban fana ye. N'a fōra bee la dōgonin, ni koroya ko te, nka nali koroya de ko don. N'ote Mahamadu ni ka koro ni tow ye. San keme wooro b'a ni seyidina Isa ce. Mahamadu bangena Makan. Nka yann'a ka bange, mogow tun sigilen be n'a nali ye. A tun sebennen don baninsiralakaw ka kitabu dōw kono ; donnikelaba dōw tunb'adōnkokiralaban dōbeyen, min bena bange. Seyidina Isa yere y'a kofó kurane kono. Ay'a jira k'a fo ko kira do be na, kira were te bange min ko. Kira in nana bange Makan kono, ka lamo Makan kono. Caman tun jena ko a be bo olu la, nk'a nana poyi Makan kono na. O kelen juguya wulila.

Ala kira ma taa kalan ke yorōsi ni Makan te. Mogosi ma Jogojugu kelen y'a la, a tun be maloya hali ka mogow fo. A tun be bo ka taa kofé, kulu fila be yen, a tun be to ka t'i da yen. O kulu ninnu be joyoro be silameya la. Mahamadu ka du tun te faama du ye, nka bonya du tun don, maaba du tun don. Mahamadu, kisi ni nema b'a ye, a segenna. A ma bange a fa jena. A ba fatura k'a si to san 4 na. A ye bagen ni sagagen ke, ka jago ke. Nin baara ninnu de kera misali ye Ala fe, k'a jira ko hadamaden man kan k'i yere fisaya baara ma.

An kuntigi Mahamadu, sann'a ka Fatuli ce, a ye silameya matarafa, ka silamew lakalan, ku ladōnnya silameya kan. A ka jenamaya kono, ciden fen o fen temenna, Alay'olu ka cikanw ke gafe ye ka di Mahamadu ma, ka tila ka fen d'a ma minna di tow ma ; n'o be wele ko Niza -kabakofenw.

Ala ye fen fila ke silamew ye

walasa ka silameya sinsin kosebe.

- A ye kurane d'u ma, silameya cogoya bee b'o kono.

- A ye sunna d'u ma, o ye Mohamadu ka cogoyaw ye.
 Ko saba be silameya la, o yere de ye silameya la koloma yoro ye :

- Folo-folo : o ye k'a don ko Ala de ye dabaamasa ye, wa ale kelen doron de ye masa ye.


- Filanan : silame ka kan ka seli, ka sun, ka jaga bo, ka taa hiju la n'a se b'i ye.

- Sabanan : silame ka kan k'a silame jōgon bonya. An kana jōgon sogo dun, an kana jōgon faga : silame man kan ka haramu dun, a man kan ka jeneya ke, ani ko kuntan werew, minnu be silame bo dala hadamadenya kono. An karamogo Cam ka fola, an be min kōlōsi jamana in kono, o ye seli ni sun ye, n'a bōr'ola, tijena, karamogo ko ale ma mogo caman ka silameya faamu. Mahamadu Fatura a san 63, a taara ka silameya to cogo min, hadisaw bolo, olu y'a bato ten.

Sankeme o kofé, silameya ser'anw ma "magreba arabi" fe, Maroku sira fe, ka na Alizeri fe ka na se Tumutu. O waati y'a soro jogow ka ji kosebe, hine tun be sigidaw la, nka kōsan in na, i n'a fo karamogo Cam y'a fo cogo min, nin bee banna. Silameyadonnen anfeyan, a y'a soro laada dōw be dōw bolo, olu y'o ta k'o nōro silameya la. Horon te pamakala furu, o na jōgonna caman ; Ala ma nin si fo.

Karamogo Cam ye ladilikan minnu fo, o dōw file nin ye :

"Anw fe yan, penaje fanga bonyana ni sebeyé, n'i duny'oye yorōsi yorōsi, netaa ka gelen. Ni Ala ye here ke mogo ye, i ka kan k'a wale juman dōn. nbalimaw, an ka diine bato, an ka siran Ala je, k'a bato, ka hine jōgon na"



Musow ka selijili n'a kunkow

Musow ka selijili ye fen ye min ma damine bi. Donnibaa dōw ka fo la musoselijili daminen Isa tile je. A tun be ke mogo minnu fe o ye misirakaw, sudankaw (sudan min ni arabu jamana don), ani mogo werew.

Silamediine hukumu kono, a jirala yoro dōw la, ko musoselijili soro nabila Barahima musow fe, bawo keleya kojugu de y'a to n'a muso fōlō sarah ye a sinamuso Ajara boloko. Mogo caman hakilila ko selijili ye diyagoya ye silameya la, sabula a be na ni saniya ni yeremine ye. Nka n'i y'a laje, ni ko in tun be ke arabujamana minnu na kabini waati jan, oluy'a dabila. Misira jamana b'o la. Wa n'i y'an ka jamana koronfeyanfan yoro dōw ta, silameya yiriwalen b'yen kosebe, nka musoseliji te ke yoro caman na yen.

Musoselijili ye segenba de ye muso ma, w'a suguyaw fana te kelenye. Dōbe yen o ye ka musoya dawolow tige, dō fana be yen, o ye musoya bu n'a dawolo fitinuw tigeli ye ; yoro dōw la u be dawolow tige, ka tila ka musoya danoro fo suguneké yorónin. An fe Mali la yan, an be se k'a fo ko a ma jugu, bawo muso ceyayoro doron de be tige.

Nka nin bee la, tige yere la muso ka bolokoli lajaba ka bon, w'a be se ka kasara caman lase muso ma. n'o ye basibon jugu ye, ani joli keneyabaliya, olu be se ka ke mogo sata ye. A be se ka tetanosi bange n'o ye JaĀonyi. Ni dimi bonyana mogo kan, i be se k'i lamaga, k'i sereke-sereke ; o waati murube se ka porokoto k'a tigila mogo yoro dō tige. Musow ka selijili be se ka na ni geleya werew ye muso ma, sango ni bolokoli kecogo majne. Minnu mušoya be danoro olu be geleya caman ye furu

MUSO JOYORO

kono, bawo uka cefeje ka gelen. A be se ka dimiba lase dōw ma laada waati, sabu basi te bō ka je. fo dōw be wopere. Ni muso garisegera, a be se geleya soro

jiginni na, bawo wolonugu t'a ka baara ke a nema ; a dōw la joli be se ka jigin den kunkolo kono, o be se ka ke sababu ye k'a ke lagalagato ye, den ni ba ni be se ka to fana.

Ala k'an kisi !

Alu Danbele.

Ko ka muso ni tooroli dabila

Feburuyekalotile 7n'a tile 11 farafinna musow ka lajeba do kera Bamako. Farafinna yoro minnu ni faransekan be fo ye, ojamana damadōw musow tun ye jogon soro Bamako. Laje in tun be boli fen minnu kan, olu tun ye muso janini ye hadamadenya kono, ani sariya juman minnu ka kan ka ta walasa k'an balakaw ka toorow nogoya.

Musow ka jekuloton min jesinnen be musow lakanani ma, ko APDF, o peresidan ye kuma ta, k'a jira ko kabini lawale la, muso ni degun be jogon na, bolokofe fen don. Nka an be don min na ko bi, musow wulila k'u kanbo. O waleya in daminen kabini san 1960 fo ka taa se san 1970 ma farajela musow fe. Madamu Fatumata Sire Jakite ka fola, o y'a soro tooro ni nani suguya bee be muso kan : a be bugo, a be neni, jagoyadilan be jin'a fe kolo ni fasa la.


Fen caman fana be yen, minnu be se ka ke sababu ye ka fipen bila muso ka hadamadenya la : selijili b'o la, jagoyafuru b'o la, kalanbaliya b'o la, sanko an fe Mamli kono yan.

Madamu Wedarago Kilemantini fana da sera musowka cogoya ma Burukina Faso. A ka fota ni Madamu sire taw be tali ke jogon na. A y'a jira k'a fo ko Burukina, musow ye seben ci jamana nemogo ma musobolokoli dabilali kan. Sisan seben in sera depitew ka soba la, walasa olu k'a laje kerenerennya la. Laje in kuncera welekan kan ka jesin jamana nemogow ma, uk'a laje muso ni tooroli be dabila cogo min.

Jlogonyekelaw y'u kodon jogon na ka k'an ben di jogon ma sanfila jinan ko Burukina Faso.

A.J. Kulibali.





Emili Belimu

An ka bi baro bëna se Emili Belimu de ma. Maliden caman bë Belimu dɔn. Ale de kera sababu ye ka Ofisi sigi. An baarakéjegɔn Sumayila Sanba Tarawele n'o ye Saheli labolikuntigi ye, ale ye dɔfɔ Belimu kan a ka gafe kɔnɔ min tɔgɔ ko "Hine nana". Min bëna fɔ yan ka fara Belimuko kan, oye kura ye. An y'o ko kuraw soro sebenkorow marayɔrɔ dɔ la Faransi n'o ye Ekisi (Aix) ye.

Belimu bangera san 1883, Zuluyekalo tile 28. Mɔgɔw y'a fo k'a ye enzeniyeriya kalan. O kuma intè tijne ye sabu o kalan sereyaseben (dipulɔmu) tun t'a bolo. Wa hali seben yere fana te yen min b'a jira k'a fo k'a ye nin kalan ke.

Waati minni Belimu taara baara la Mali kono, san 1919, a y'a kɔlɔsi k'a fo ko joliba ji be se ka ke sababu ye ka yɔrɔ jalan sene. Nka tijne yere la, a Aaniya tun te Mali demeni ye. A ka baara in dabɔkun de tun ye ka koori caman sene Faransi tɔgɔ la. O waati tun y'a soro koori songɔ tun ka gelen nansarajamanaw la. Faransi dun mago tun be koori caman na. O de koson Belimu y'a jate mine k'a fo ko, Faransi ka nafaba be koori in seneni la. O kelen, gofereneri min tun sigilen be Dakaru, oyeyamaruya di baara in ka ke. Nka a y'a jira ko ni koori senena Faransi ye ko malo ka sene Malidenw ye walasa balokogelleyakana donjamana kono. O kuma ma diya Belimu ye nk'a

seko tun t'a la. N'an ye jatamine ke nin ko ninnu na, an b'a ye ko malo min be sene Ofisi la halibi, k'o te Belimu ka baaranɔ ye.

Belimu tun b'a fe ka tarimiliyon kelen de laben sene kama. A mago tun be baarakela mɔgɔ miliyon kelen ni tila jioçon na koorisene hukumü na. Gofereneri kelen k'a jininka k'o mɔgɔ bee be bo min a y'o jaabi k'o te baasi ye, ko mɔgɔw be na u yere ma ka bo Hotiwɔlita ani Kɔdiwari ka da Ofisi nafa kan. Nka aw k'a dɔn ko mɔgɔ siman'ayere ma. Maa nalenw bee nana wajibi de la. Hakilinajugu de tun be Belimu na. Ale ka miiriya la, baara man di farafin ye. A tun b'a fo de kon'ima farafin jagoyak'a bila baara la, k'a be sunɔgɔ. Sebenkorɔ ninnu b'a jira k'a fo ko Belimu tun te farafin fe.

Ofisi sigira sen kan san 1932, ka kɔlondugu folɔw jo, san 1934 Kokiri kerefe ani san 1937 Ñɔnɔ. Kɔlon fanba bee tun ye mɔsiw ye ka bo Hotiwɔlita.

Ofisi cikelaw n'u tun be wele kɔlonw, olu tun be baara ke ikojɔnw. U segen kojugu, nansara minnu tun sigilen be Dakaru, olu y'o waleya ninnu seben u ka kunnafoniseben kɔnɔ ka Faransijamanadenw lasomi. O kelen sa, faransi goferenaman ye mɔgɔw wuli ka taa segesegeliw ke san 1938. O segesegeliw temenen kɔ, ko fosi ma yelema ofisi taabolo la. A seben bilalen be Faransi hali

sini ; maga ma k'u la.

San 1940, Alimanw kelen ka kɔle bin Faransikan, o diyara Belimu ye sabu ale n'u tun ye terima ye. Demokarasi tun man d'a ye k'a sababu ke fangatigiya nɔfeko ye. Ale tun b'a fe de n'a ko min, o ka ke. O ye jagoyafanga taabolo ye. San 1942, nowanburukalola, Amerikenw donna Alizerijamana kono. Nansara minnu tun be Afiriki jamananw na, olu benn'a kan k'a fo k'u bëna u fara Amerikenw kan ka taa Alimanw kelen Faransi. O ko ye Belimu ja tige. A sirankojugu, abolilaka taa Faransi.

Belimu seginna ka na Mali la, ofisi mara kono san 1949 ani san 1954 ka waati damadɔ ke. A ni Mamadu Sangare jera ka kuma wuli ko fo yelema ka don Ofisi cikelaw minecogo la. Ñɔnɔni Kokiri cikelaw bee jora u fe. Nka n'a y'a soro ko Belimu tun be cikela ninnu fe in'a fo a b'a fo cogomin na, munna a m'u dème k'a yere to ofisi jemögobaya la. Ale de ma na ni forɔsebaara ye Ofisi la ka mɔgɔw waajibiyasigi yen wa ? Ale de fana ma ke sababu ye a waatiw la mɔgɔ caman ka kɔngɔ wa ?

Aw k'a dɔn ko Sangare ye kuma minnu fo, o bee tun ye tijne ye. Nka Belimu Aaniya tun te dɔwɛre ye Ofisi jemögɔ kuraw binni ko. A ka nin wale in tun ye dɔrɔn ka mɔgɔw kun kari jioçon na. A ni Mamadu Sangare ka teriya ju tun te dɔwɛre ye janfa ko.

Belimu faatulen San 1969, n'a bora a teriw la, mɔgɔ si ma nimisa la.

Fatogɔma Jara ni Hawa Fofana

FARIKOLO JENAJE

SEKO NI DONKO



"kris" Seyidu Fatura.

Funanke min ye kalali ta k'a fese-fese, kasanga da a la; "kris" Seyidu tun be kalali suguya bee ke, k'a bila sanga na n'o ye "môdi" ye. Ale de ye bogolan ta ka bo n'a ye Farafinna fo Farajela ; k'a jensen Faransi ani Ameriki. A ye do sara faso danbe kan.

Seyidu Dunbiya, n'a tun be wele "kris" Seyidu, a fatura sibiridon marisikalo tile 5, k'a si to san 45 la. Saheli ka dubabu don be fure ye.

Ala ka hin'a la !



Basala Ture, Denba Njayi, Seyiba Lamini Tarawele, Amadou Pate Jalo, Abudulayi Keyita (Beni Badi), ani Usmani Suman, sumayila Tarawele olu be wele ko kele nekunw.

Kolosilikew y'a jira ko Mali Samatasew fanga ye o dorogocogo numan ye jogon na. U site se ntolatan la ni si ye. U bee ka sekow dama ka kan. O de b'a to, u kelen-kelen bee be se ka se di Mali ma, tuma bee, ntolatan senfe. Nka fijne min b'u la, o ye Aanantanya ye (Fantamadi Keyita jogonna). Bawo ni fili donna jatew la, n'a tigera k'a te tugu, Aana de be son k'a ni fili, a mana diya a kana diya, ka faso bo bolo la. A kolosira fana, ko Mali Samatasew gon ka fegen : U bana ka di, u jogin ka di.

Jamana nemogow, ntolatankanubagaw ani fasoden numan bee cesirilendoni, jamana fan tan ni naani bee kono, ka samatasew jukoromadon.

Ni Ala sonn'a ma, mogo numan dama minw su be an ka dugukolo jukoro, olu barika la, Mali te malo faden kene kan abada. Bee ka dugawu ke Mali samatasew ye. Ala de be da barikama don.

Mahamadu Konta

TUNIZINTOLATANBA SERA



Kongo ye kupu ta k'a bo Mali ne kan don min na Yawunde, san 1972 la, a kera i n'a fo saya de kera du kelen-kelen bee kono Mali la o don.

Marisikalo tile 26 nata, San 1994, Yawundentolatanba jogon do bena damine Arabujamana do la, n'a be wele TUNIZI. Mali bina ye o kene kan, ani jamana werew : Konowari, Senegali, Lajine, Nizeriya, Gabon, Gana, Kameruni, Misira ani Tuniziyere, ka fara Zayirini Seraliyoni kan.

Mali y'a wasa don ntolatanna mugan ni duuru la. A be fu ma Mali

Samatasew. U dajuru be Mamadu Keyita bolo (kapi). Ale de b'u kalan, k'u kolo ntolatan na. Ce mugan ni duuru in togo file : Usmani Farota, Karamoko Keyita, oluye goliw ye. Goli lakanabagaw ye : Kureyisi Kamara, Yatima Jopu, Musa Dugutigi Keyita, Daramani Danbele, Modibo Sidibe, Umaru Gindo, Habibu Sangare, ani Abuduli Karimu Sidibe n'a be wele ko Mao. Camance ntolatannaw ye : Sori Ibarahima Ture, Abudulayi Tarawele, Makan Keyita, Ferinan Kulibali, Berehima Tarawele, Suleyimani Sangare, Seku Sangare. Solo Kamara,

LABOLI KUNTIGI :
Sumayila Sanba Tarawele

SEBENIJEKULU CGCMUL :
Job Tera
SEBENNI JEKULU :
Jokolo Adama Kulibali
Teyo Hageman
Sidalamini Ag Doho Morilaka

Fatogoma Jara, Hawa Fofana

LABENYORO :
Sahélienne
BP : 2710 tél : 23-14-29 Bamako.

JADILANNAW :
Alifa Yaya Jara Mamadu Kumare.

Labugunyoro
Mali offset
Hake : 5000

JENSENCOGO : Saheli
jensenjekulu.

Saheli ye deme soro ka bo :
Plan International
OXFAM, GB, UNICEF
Coopération Française yoro.